



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: UP-I/25-2-40-017-2/21
Datum: 26.01.2021. godine

«Agencija za vodno područje rijeke Save» Sarajevo rješavajući po zahtjevu pravnog lica „ŠKREBO” d.o.o. Klokotnica za donošenje rješenja o vodnoj saglasnosti za ispuštanje tehnoloških otpadnih voda sa lokacije objekta – samouslužna autopraonica, koja se planira graditi u naselju Klokotnica, općina Doboj Istok, na osnovu člana 109. stav (1) tačka 2. Zakona o vodama („Sl.novine Federacije BiH” broj: 70/06) i članom 200. stav (1) Zakona o upravnom postupku („Sl.novine Federacije BiH” broj: 2/98 i 49/99), **donosi**

R J E Š E N J E **o vodnoj saglasnosti**

1. Daje se vodna saglasnost pravnom licu „ŠKREBO” d.o.o. Klokotnica za ispuštanje tehnoloških otpadnih voda sa lokacije objekta – samouslužna autopraonica, koji se planira graditi na zemljištu označenom kao k.č. broj 3199 K.O. Klokotnica, općina Doboj Istok, u skladu sa projektnom dokumentacijom:
„Glavni projekat – Vanjske hidroinstalacije objekta samouslužne autopraonice”, urađen od strane projektne kuće „IBIS” d.o.o. Zavidovići, decembar 2020. godine, a u postupku pribavljanja dozvole.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 3.1. Radove na izgradnji sistema za prikupljanje, tretman i ispuštanje tehnoloških otpadnih voda izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Način ugradnje separatora i stavljanje istog u pogon uskladiti sa proizvođačem opreme u svim fazama.
 - 3.3. Nakon izvođenja radova sistema prikupljanja, odvodnje i prečišćavanja tehnoloških otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 3.4. Izgradnju kontrolnog revizionog okna, odnosno okna za monitoring, izvesti neposredno prije ispusta izvedenog u upojni bunar.
 - 3.5. U toku radova iskopani materijal se ne smije ni privremeno odlagati na česticu „vodno dobro”, odnosno u vodotoke i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 3.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: UP-I-05-19-147/20 donesenog dana 04.12.2020. godine od strane Službe za prostorno uređenje Općine Doboj Istok.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procjenjenu štetu nadoknaditi.

5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada (Tabela koeficijenata zagađenja, tačka 13).
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne stanice za tehnički pregled vozila obuhvaćene ovom vodnom dozvolom, korisnik zaštitnih vodnih objekata nije odgovoran za nastale štete.
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

O b r a z l o ž e n j e

Pravno lice „ŠKREBO“ d.o.o. Klokotnica se pismenim putem obratilo ovoj Agenciji sa zahtjevom za donošenje rješenja o vodnoj saglasnosti za ispuštanje tehnoloških otpadnih voda sa lokacije objekta – samouslužna autopraonica, koji se planira graditi na zemljištu označenom kao k.č. broj 3199 K.O. Klokotnica, općina Doboj Istok, a u postupku pribavljanja građevinske dozvole.

U prilogu zahtjeva podnosilac je dostavio slijedeću dokumentaciju:

- Ovjerena kopija Aktuelnog izvoda iz sudskog registra općinskog suda u Tuzli, donesenog dana 18.03.2020. godine;
- Ovjerena kopija Uvjerenja o poreznoj registraciji donesenog od strane Porezne uprave Federacije BiH – Kantonalni porezni ured Tuzla od 06.10.2015. godine;
- Ovjerena kopija uvjerenja o registraciji obveznika poreza na dodanu vrijednost donesenog od strane Uprave za indirektno-neizravno oporezivanje Banja Luka, broj: 04/5-1/II-17-1-1735-208/05 dana 11.11.2005. godine;
- Punomoć;
- Kopija Rješenja o urbanističkoj saglasnosti za izgradnju poslovnog objekta – samouslužna autopraonica, donesenog od strane Službe za prostorno uređenje Općine Doboj Istok, broj: UP-I-05-19-147/20 dana 04.12.2020. godine;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-343-5/20 dana 22.09.2020. godine;
- Kopija Rješenja o prethodnoj vodnoj saglasnosti donesenog od strane Ministarstva poljoprivrede, šumarstva i vodoprivrede Tuzlanskog Kantona, broj: 04/1-13-25700/20 dana 09.09.2020. godine;
- Kopija Potvrde kojom se potvrđuje da će poslovni objekat – Samouslužna autopraonica biti priključen na vodovodni sistem, data od strane JKP „ČISTO“ d.o.o. Doboj Istok;
- Obavijest kojom Ministarstvo prostornog uređenja i zaštite okolice Tuzlanskog Kantona odgovara na zahtjev stranke da za predmetnu aktivnost nije potrebno izdavanje okolinske dozvole, broj: 12/1-19-16654/20 od 26.08.2020. godine;
- „Glavni projekat – Vanjske hidroinstalacije objekta samouslužne autopraonice“, urađen od strane projektne kuće „IBIS“ d.o.o. Zavidovići, decembar 2020. godine;
- Izvještaj o izvršenoj kontroli tehničke dokumentacije – „Glavni projekat – Vanjske hidroinstalacije objekta samouslužne autopraonice“, dat od strane HKP Consulting,

decembar 2020. godine;

- Dokaz o uplaćenju administrativnoj taksi (biljezi federalne administrativne takse u iznosu od 3 KM) i upravnoj pristojbi;

Nakon uvida u dostavljenu projektnu dokumentaciju utvrđeno je:

Poslovni objekat – samouslužna autopraonica (tri natkrivena boksa) se planira graditi na zemljištu označenom kao k.č. broj 3199 K.O. Klokotnica, općina općina Doboj Istok.

Osnovna djelatnost pravnog subjekta je pranje motornih vozila.

Urbanističke – tehničke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti propisala Služba za prostorno uređenje Općine Doboj Istok.

Na lokaciji predmetnog objekta nastajat će tehnološke otpadne vode. Za prečišćavanje tehnoloških otpadnih voda planirana je izgradnja taložnika sa slivnom rešetkom i ugradnja tipskog separatora. Preliv iz separatora će se, preko okna za monitoring, izvesti u otvoreni kanal. Projektna dokumentacija dostavljena uz zahtjev, urađena je od strane pravnog lica koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, UP-I/25-1-40-343-5/20 dana 22.09.2020. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: „Glavni projekat – Vanjske hidroinstalacije objekta samouslužne autopraonice“, urađen od strane projektne kuće „IBIS“ d.o.o. Zavidovići, decembar 2020. godine, data vodna saglasnost na istu.

Tačkom 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama člana 114. Zakona o vodama i člana 7. Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.


Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl. novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.inž.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

PRILOG:

- „Glavni projekat – Vanjske hidroinstalacije objekta samouslužne autopraonice“, urađen od strane projektne kuće „IBIS“ d.o.o. Zavidovići, decembar 2020. godine;

Dostaviti:

- „ŠKREBO“ d.o.o. Klokotnica, Magistralni put bb, 74207 Klokotnica (sa prilogom)

➔ ISV - vodna knjiga,

- Sektor 40 - arhiva

- Oglasna ploča AVP Sava